

no. 2.
LE
CATOLICON
FRANCOIS,

Par l'admirable Guillot le Songeur.

AVX BONS FRANCOIS.

M. DC. XVI.

CATOLICON FRANCOIS:

duplié Par l'admirable Guillot le Songeur.
not catolicon

Aux bons François.

SI par cōmencer par Ie suis, l'on veut m'interrompre, & dire que ie suis vn sot, ie le confesseray: mais aussi ie repliqueray que ceux qui diront cela aupara-
 uant que de m'auoir considéré ny entendu, seront plus sots que moy.

Ie suis donc cet homme dōt il est parlé par tout où le Soleil esclaire, ie suis cet illustrissime Guillot le Sō-
 geux, ie suis cet hoste vniuersel lequel ne se void point, & qui suis de si petite taille, que le plus petit cabinet du Louure me pourroit facilement contenir, & neantmoins ie contiens la plus part du mōde; mais pour mon profit ce n'est qu'en pensee. Il suffit qu'à ceste condition imaginaire ie loge ainsi chez moy grands & petits, & à leurs despens. Car outre que ie n'aurois non plus de moyen que de volenté à faire vne telle despence, ie ne prendrois nul plaisir à deffrayer tant d'estrangers, si ce n'estoit en songe. Mōsieur le Vicomte de Paris n'en loge que fort peu dans sa maison; & toutesfois (quoy qu'elle soit la plus grande de la ville) elle ne peut assez dignement accommoder leurs grandeurs, ny son tresgrand reuenu ne peut non plus rassasier leurs insatiables appetits.

Ledit Vicomte est contraint de leur abandonner sa maison, & venir loger quelquefois chez moy pour songer à son affaire: c'est auec iuste raison, aussi y est-
 ille tres-bien venu, & voudrois qu'il n'en bougeast, afin qu'il songeast luy-mesme à ce qu'on ne veut pas songer pour luy.

Peut estre que quelques vns en me desmentât, (sans y songer & sans me cognoistre) diront que l'on songe plus audit Vicomte que ie ne dis : mais ie leur respondray, si l'on y songe, que c'est pour changer les plus vieux & plus fideles seruiteurs de deffunct sô pere & de luy, en des gens si nouuellemēt mis en lumiere, que tous mes hostes, de quelques diuers pays & dissemblables aages qu'ils soient ne les cognoissent point. Je leur respondray, que c'est pour voir, nō seulement s'il a encor beaucoup d'argent dās ses coffres, mais pour l'en tirer au plustot: quē c'est pour luy faire iniustement conceuoir des haines contre ses plus fideles qu'innocent parents, & luy vouloir faire aimer ses plus grands & traistres ennemis. Que c'est pour changer ses fermiers de bonne foy, en des larons qui se veulent incōtinent approprier de son heritage. Que c'est pour destourner & maltraicter ses bonnes & fideles abeilles. Que c'est pour luy en desrober le miel, & pour en vendre la cire, à prix autant concuslionnaire qu'iniuste, & le tout sans qu'il en vienne aucun profit à la bourse dudit Vicomte, ny qu'on en employe seulement par chacun mois vne liure en luminaire pour esclairer la triste fosse où est enterré deffunct sondit pere, d'où S. Denis rougit de honte, pour sa vefue & ses heritiērs.

S'ils continuent à me desmentir, ie leur respondray; Si l'on songe audit Vicomte, que c'est traistreusement pour mettre le loup dans sa bergerie: que c'est pour tacitemēt souffrir que les bornes de ses voisins & ennemis s'auancēt peu a peu dās ses domaines: que c'est pour relascher son autorité au mespris, pour alterer l'affection de ses bōs subiects, pour le destourner de la cognoissance de ses affaires, pour luy faire passer les plus beaux iours de son aage en des exercices indi-

gnes de luy: bref, ie respondray, si l'on y songe, que c'est pour sa ruine tant seulement.

L'on peut bien iuger si ce que ie soustiens n'est pas veritable, en considerant que la plupart des officiers & subiects dudit Vicôte qui viennent loger chez moy n'y sont cõduits ou que par l'ambition, ou que par les esperances, & ne s'y entretiennent que par la persuasion imaginaire de leurs interests, & de leurs trop veritables tyrannies. Il y en loge quelques autres d'humeurs & d'ames differentes, mais c'est en fort petit nombre, & ceste difference est qu'ils n'y viennent accompagner que de regrets, & ne s'y entretiennent que par des craintes de voir pis aduenir.

Le remarque encor entre eux vne grande differēce, qui est que les premiers songent promptemēt le mal, puis l'executent avec pareille diligence; & les derniers estans plus longuement mes ostes, ne font que songer aux maux des maisons & terres sans en oser entreprendre la guerison.

Quelques vns neantmoins semblent en se resueillant me vouloir quitter pour s'entretenir d'autres choses que de songer, & recognois entre ceux-là vn cousin dudit Vicomte, de qui les vertus comme palmes (vrais symboles des courages & triôphes acquis à ceux de son beau nom) cōmencent à surmonter les violences dont elles ont esté long temps contraintes & violentees: Le remarque aussi des gens de iustice a qui on a voulu oster l'espee, la balance, & la parole, lesquels commencerent à se mettre en deuoir pour remettre ses iustes armes en vigueur, & en exercice (nonobstant les nonobstāces de leurs premiers chefs à longues robes.) I'en remarque eucor plusieurs autres de toutes conditions (non compris la societé de Iesus en abregé) ausquels la parole reuiet avec le courage.

Et tous ceux-là recognoissans & ressentans n'auoir
que trop songé chez moy, considerent bien qu'ils n'y
peuuent plus retourner au prix, qui leur en couste desia
sans se faire eux mesmes vn tres-grand preiudice.

Serois-ie pas le plus riche des riches si tous les ho-
stes que i'ay logez depuis cinq annees me payoient
seulement vn sol pour chacun giste. Toutes nations
me deueroient cinq annuels à la mode de France &
de la paultette: car l'on ne m'a pas encor payé vn seul
denier, & croy qu'avec raison tous les subiects dudit
Vicôte ne me pourroient desnier ledit droit, si ce n'e-
stoit vn ieune Seigneur Orleánois lequel ne se pouuant
addomestiquer chez moy, a fait voir que l'esperance,
la crainte, l'ambition, les promesses & la vanité ne l'ont
peu non plus rendre mon tributaire qu'idolatre d'vn
homme de quintaine, & d'vne Imperatrice de sabat.

La mere dudit Vicompte ne me seroit pas des moins
redeuable, car elle a esté bien souuent mon hostesse,
& assez long-temps pour m'auoir fait recognoistre
ses inclinations & ses humeurs: elle a sans contredit
l'ame bonne, & droicte conscience: mais i'ay bien
aussi recogneu comme trois ou quatre demons d'in-
fidelité & vne enragée forciere, en luy reprochant
qu'elle a trop demeuré & songé chez moy, l'enga-
gent incensiblement à des choses dignes d'eux, & non
d'elle: toutefois quoy qu'elle face, elle en doit estre
excusable en partie, d'autant que ce sont les tyran-
nies des vns, & les charmes de ceste forciere qui en
sont coupables; & ce qui preuue autant son innocéce
que leur crime, c'est qu'elle cōfesse assez souuēt qu'elle
recognoist bien leurs violences tyranniques, leurs
larcins & leurs sortileges, mais qu'elle ne s'en peut ny
desgager, ny deffendre.

Ces bonnes gens qui vont psalmodier à Charanton.

ne feront pas aussi des moins imposez en ceste taille, si elle se leue, ce sont ceux là qui font plus de demeure chez moy: mais à vray dire, ils y viennent avec plus de raison que ie n'en aurois, si ie leur fesois rié payer cōtre tout droict d'hospitalité: car par toutes les regles de ma science denonciatiue, ie ne remarque en leurs songes que de tres-bonnes intentions pour seruir ledit Vicomte à l'encontre de tous, sans en excepter celuy qui regne maintenant dans la grande ville, que le Connestable de Bourbon print, & ou il mourut. Ils ne laissent en songeant de craindre qu'on ne leur donne à la fin que trop à songer; c'est à sçauoir au general de leur confrairie, y comprenāt leurs chefs, dont l'un est desia assez empesché à songer (faus les droicts de l'autrui) au doux & vtile maniemēt du taillon; l'autre songera s'il peut autant qu'il deueroit aux tours de soupplēse de sa ieune femme, laquelle sans y songer a quitté la doctrine des Euangel. S. Ieā & S. Luc, pour se faire instruire avec cōsentement de sa mere, en l'humaine distillation del'eau de Candale, & aux supplētations fraternelles d'un Abbé maritime. Le troisieme songera s'il veut à donner graisse & grace a sa maigre partie, sur les traiçts qu'elle luy a faictz, ou bien il songera s'il ne poursuiura qu'une seule abolition de ce cas, & le mettre en commun, avec les horribles assassins, les concusions, & les innombrables vols dont est conuaincu son bien-aymé le vicomte de Panna. Le quatriesme songera tant qu'il voudra & sans qu'on l'empuisse empeschier, car il ne songe que Tresfort, en toutes choses Tresfort, a passer doucement sa vie, Tresfort a conseruer son autorité souueraine, & Tresfort a la multiplication de ses deniers, exerçant sans fin toutes ces vertus là, sans songer d'en prendre l'aduis, ny de son gendre, ny de Buillon, & non plus des Curez de

Charanton & de la Rochelle. Le cinquiesme songera
toufiours & tant qu'il voudra, aux moyens d'eleuer de
de plus en plus le throsne da sa saincteté Romaine, tât
a la Rochelle qu'a Saumur. Le sixiesme n est pas digne
d'estre mon hoste, car il a beau songer & resonger en
ses elections, il Choisit mal, il Choisira mal, & a fort
mal choisi. Le septiesme a du temps pour songer, aussi
en a il besoin, d'autant qu'on veut oster a son derriere
l'vsage des sieges fleurs de lys & d'hermines & l'enuo-
yer tenir les Estats a sainct Michel en l'air.

Ansi la pluspart du monde doit songer; Et moy qui
suis chef & patron des songeurs, ie songe plus qu'eux
parce que c'est mon seul entretien: d'ailleurs tous ceux
qui m'ont visité durant les cinq annees dernieres, m'ôt
si fort entretenu des mescontétemés qui sont entre les
domestiques & suiets dudit Vicomte, m'ôt tât estour-
dy des estranges & extremes faueurs d'un Coyô estrâ-
ger, m'ont si fort estonné des grands biens, des gou-
uernements, places fortes & puissances qu'avec infide-
les aydes il soustrai c't a ce ieune Vicompte, m'ont tât
espouuenté des enrageries, diableries, concussions &
tyrannies d'une chābriere magicienne, m'ont tât fait
hayr le Conseil infidel dudit Vicomte, m'ont tant re-
présenté le peu & point d'honneur qu'on réda ses plus
proches parens, & le diuertissement qu'on fait de leur
naturelle & necessaire authorité, m'ont tant fait esmer-
veiller du peu de liberté qu'il y a eu aux Estats gene-
raux tenus a Paris, m'ont tant rebattu par le recit des
corruptions & commerces que Buillon faisoit parmy
les trois ordres desdits Estats, m'ont tant fait rire en me
racontant comme le grand Sellier dudit Vicomte selle
& bride les asnes comme il veut, m'ont tant assoty en
m'aduertisant comme les Tourengeaux ont esté en-
chaisnez d'un pasteur qui est plus grande beste en qua-

lité d'asne & de bœuf, qu'ils ayent iamais ny veu ny
gousté. Et m'ont tant, disje, esmerueillé en m'apprenant
que plusieurs hommes autant & plus maleficiers d'a-
mes que de corps ont mesprisé & condâné les salutai-
res remonstrances de la plus auguste cōpagnie qui soit so-
le Ciel: ils m'ont disje tant esmerueillé & tant affligé des
choses cy dessus que ie ne fais plus que des songes fort
estrâges entre lesquels ma memoire songearde en a re-
cueilly quelques vns que ie rapporte sans toutes fois
vouloir preiudicier a personne, ny a cet aduis que Ca-
ron m'a donné autrefois. *Somnia ne Cures.*

Durât les dernieres heures d'une assez fraiche & hu-
mide nuit, le sommeil s'estoit bien rendu maistre de
tous mal sens: mais le souuenir de ce que tous mes ho-
stes m'auoient raconté, le contraignit de laisser a mes
imaginations la liberté d'entretenir mon esprit & luy
faire voir vn tres-magnifique Palais, lequel sembloit
estre situé aux fauxbourgs S. Germain.

Ie voulois cōsiderer peu à peu la riche & industrieuse
Architecture dudit palais, n'eust esté qu'une grande
rumeur m'empeschant de ce dessein me fit tourner la
veüe & l'ouye vers le superbe portail de ce grand edifi-
ce. Là i'aperçeu vne grande foule de mode, dās laquelle
ie recogneus quelques Picards, me les imaginant tels,
parce qu'a tour de roolle ils expliquoient a tous venās
vn Rhebus esleué & taillié en pierre de liez sur la prin-
cipale porte. C'estoit vn estuy de pigne posé sur vn
A, ayant au costé d'iceluy deux rats, denottant par la
que pour auoir ceste entree libre il les falloit executer
& interpreter ainsi: A P O R T E T V Y E N -
T R E R A S. Ie prins garde que parmy ladite presse
l'œn laissoit passer d'autres sans les arrester a ce Rhe-
bus, ie pensay lors qu'ils auoient desia esté leās avec en-
tiere liberté, tant de portes de derriere que celle de
deuant.

deuant. Et ce qui me confirma en mes opinions, fut
quand ie les remarquay habillez à l'Espagnolle & à
l'Italienne. C'estoit vne merueille de voir ceste grā-
de presse deuant cedit Portail, & c'estoit vn grand
plaisir de voir vn Messer Abraham medecin Iuif, le-
quel visitant ces offrādes que chacun apportoit, di-
soit, *Signori chy ha uette portato laqua, dy Bourbon; il vino,*
d'Orleans, è il formaio, dy Nensschastel, tornate, tornate in
duo propter causam.

Oltrepassant ledit portail & vne grande Cour
route remplie de peuple, i'entray dedans la grand'
salle où ie les vis arrangez en bōne ordre grād nōbre
de sieges de fripperie & de menuiserie, estāt desia la
pluspart occupez de différentes persōnes entremes-
lez les vnes dans les autres selon les loix du lieu, ie vis
aussi au bout de ladite salle vn theatre esleué d'ēuirō
quatre pieds, ionché d'yris de Florence & encourri-
né de ratine du mesme pays, sur lequel paroissoit as-
sis en posture de faiseur d'affaires vn homme d'assez
breue femme sur vn tabourin deffocé, d'où sortoiēt
plusieurs enseignes de tastras rouges tout neuf, plu-
sieurs espees dās leur fourreau & beaucoup de trouf-
seaux d'autres armes liées ensemble, comme n'ayant
iamais seruy.

Ce plaisant apparat auoit tant de diuersitez que ie
ne m'en pouuois desbroüiller ny comprendre l'ele-
uation de ce Seigneur assis sur vn tabourin, sinō que
i'entreis vn bon compagnon qui disoit en riant.

Pardieu ceste assiette n'est ny belle ny bonne: sur-
tout à l'ouerture de ceste solemnelle assemblee: car
au lieu que, *l'Illustrissimo Conchino Conchiny*, deuroit
honorer les armes, il semble qu'il les Conchie.

Derriere ledit tabourin l'on voyoit vn homme a-
yant à ses costez grande troupe de ces coyōs de mil-

chastre qu'au gouuerneur de Montreuil, il portoit pour marque de son cōmandement & capitainerie des gardes dudit, *Couchino Couchiny*, Mareschal Auorton de France, vn baston que le tres-Reuerend Archeuesque de Tours auoit tourné tandis qu'il estoit menuisier à Florence. Et ceux qui disoient cela cro-yoiēt que ledit bastō auoit esté fait du bois de Dury, d'autāt que toutes les fois que ledit Capitaine le souleuoit pour imposer silence, il faisoit peur à toute la coyonnerie, & faisoit vesir d'apprehensio celuy qui presidoit sur le tabourin.

Les signes de ce baston mysterieux n'eurent pas plustost signifié le silence, que ie vis sortir de derriere le theatre vn grand homme maigre, ayant à dos vne cotte d'armes, non de toille d'or, non de velours, ny d'autres estoifes de soye, mais de penne, autrement plumes, qui est le blason des armoiries dudit Mareschal, & l'indice des peines qu'il doit souffrir quelque iour, tous ceux qui consideroient ledit grand homme disoient voila vn Roy d'armes, lequel au lieu d'estre tout fleury de lys tāt dessus que dessous sa cotte d'armes, n'est couuert que de plumes, comme les Indiens, & se promettant bien quelque action digne de luy & de son habillement, rendirent tant d'obeyssance au susdit baston, qu'il sembla que la mort leur eust fait faire par force, ce qu'il deuoit rēdre par raison au respect du lieu tant le calme y fut grand.

Aussi tost cedit Roy d'armes s'estant aduancé plus auant que ledit theatre s'escria par trois fois: *Or yvez, Or yvez, Or yvez*, ce qui estonna toute l'assemblée, estimant que c'estoit les tristes anonces de quelque execution de iustice. Mais luy-mesme aussi tost releua les auditeurs de ce doute, & dit tout hault, qu'al-

lant autresfois consoler la Concierge de la Conciergerie sur le trespas de son mary, il auoit tant de fois ouy prononcer ces funestes paroles au boureau de la ville, qu'il les auoit tousiours à la bouche, & au souuenir, & changeant de notte il monstra au doict ledit Marechal Conchino, & dit:

*Voicy l'honneur de la quintaine,
Messieurs, voicy le Roy Petault,
L'espoir d'un plus haut eschafaut
S'il n'est soldat ny Capitaine,
Je iure sa fièvre quartaine
Que son cœur peche en ce deffault.*

Ceste publication ayant esté faicte, ie vis vn grand homme se leuer sur pieds, lequel ie n'auois point encor apperceu, & remarquant les traicts de son rude visage i'en fis recognoissance pour l'auoir veu loger chez moy, lors qu'il estoit autant miserable valet que deschiré pedant. Puis le considerant d'auantage i'eus souuenance de l'auoir encor veu iouant vn autre personnage en ma maison, ou il songeoit toutes les nuits comment le lendemain il pourroit gagner vn testō au palais pour en faire racouter ses fauantes & sa soustane de raffetas, laquelle estoit si trāsparète & doctorale qu'elle se decouppoit toute seule sās ayde d'aucuns outils ny ciseaux. Le regardāt de plus en plus, ie me ressouuiēs qu'il auoit esté à mon logis encores autrement, & qu'à force d'y songer il auoit trouué moyen de chasser tout l'ordre du Conseil dudit Vicomte, & d'en esloigner les plus vtiles, experimentez & fidelles Conseillers, afin de plus aysement esleuer ce Roy Petault en son throsne & s'establis au Conseil indirect de la direction, où en effect il a esté en la qualité de simple directeur, puis en celle d'intendant, mais ce qui m'estonna de

plus, ce fut qu'après l'auoir veu en toutes les disproportionnées vacations cy dessus: ie le vis en ceste compagnie tenant vne grande espee haute & nuë, laquelle n'estât pas si droicte que celles qui sont sur l'hostel de Montmorancy m'estonnoit de ce déffaut, n'eust esté que m'en approchât ie recognus qu'elle n'estoit que de plomb: & au tēps mesme i'entendis quelques vns qui s'entredisoient: Ceste allumelle est autant digne de ce Conchino monarque à la courte espee, que de Dolé son Connestable à la longue robbe. Tandis ce grand rustaut ridant son petit front, & le faisant mouuoir comme les singes quand on les fasche, fit plusieurs pedantesques reueréces vers le theatre, puis s'estant remis sur son siege, & branlant tout doucement ladite espee de peur de la fausser, il parla ainsi;

*Puis que i'en suis depositaire,
Les Coyons sont en secreté,
C'est vn regne d'eternité
D'auoir deffaiect le ministere,
Et prins sans clause de Notaire
La souveraine autorité.*

Ceste harangue fut si tost prononcee, que chacun de la compagnie sembloit regretter d'auoir obserué vn si long silence pour si peu de chose, & la risée generale commençoit à faire vn si grand bruit, qu'il eust incontinent excédé celuy qui se fait à dix heures au Chastelet, & à trois heures a la foire S. Germain, sans que le Capitaine des gardes susdit, en signifiât le iacet, *vt supra*, feit esperer quelque chose de meilleur.

Aussi tost que le bruit s'accorda, & que la compagnie se fut remise en ordre, l'on entreueid vn petit homme caparaçonné de soutane gauchere & d'une robe longue, lequel se leuoit avec si grand peine, qu'il faisoit peiner ceux qui le voyoient iusques à ce

qu'on apperceuſt que c'eſtoit vn cui, qui trop gros
enleuoit auec ſoy vne fort lourde chaire de bois, a-
pres quoy pluſieurs s'employèrent pour les deſaf-
ſembler, ce quine ſe fit pas ſans nouuelle riſee. Fina-
lement le baſton du Capitaine fit encōre ſommatiō ge-
nerale pour le ſilence, & lors ce petit bout d'homme
eſtāt d'ahan tout fumeux par la teſte, & tout huilleux
par le viſage, touſſa trois fois, en cracha fix & poſant
ſes mains agiles ſur ſon gros ventre, il prononça ces
paroles. Meſſieurs, ſi vous auez des yeux vous vo-
yez icy Monsieur le Mareſchal, & ſi vous auez des
oreilles vous auez peu entendre par la bouche de
Monsieur ſon Cōneſtable ce qu'il vous promet pour
la ſeūreté de vos perſonnes, ſiez-vous y, ou ne vous y
ſiez pas: toutesfois ſi vous m'en croyez, vous n'en
douterez nō plus que du ſerment Martial que mon-
dit ſieur le Mareſchal vous a fait pluſieurs fois ſur ce-
ſte indomptable eſpee, où faiſant autremēt, ce ſeroit
courir la fortune de ſon indignation, & des baſſes
œuures de ſon executeur nommé Darquié, lequel
neantmoins par faute d'auoir lié les bras & les mains
du ſieur de Riberpré, ne peut faire l'execution, &
aſſaſſinat qui luy auoit eſté commandé.

Quant à Monsieur le Conneſtable & quāt à moy,
quant à luy il vous a parlé en chef des armes de mon-
dit ſieur le Mareſchal, quant à moy ie vous parleray
comme chef de ſa iuſtice; à quoy i'ay l'ame ſi fidelle-
ment portee, que mes balances ſe trouueront tou-
ſiours auſſi iuſtes que la ſuſdiſte eſpee ſe trouuerare-
doutable; auſſi en ma charge il n'arriuera iamais fau-
te, de quoy l'on ne doute nullement, car l'on ſçait
bien quel ie puis eſtre.

*Je ſuis en deſpit de ma panſe,
Eſleué par bōds & par ſauts,*

*Et maintenant de deux grands Jeux,
Honn'y soit-il qui mal y pense:
Mais le moindre est celui de France,
Car Monsieur a plus de Vassots.*

Ces Messieurs les Conneftables Dolé, & Chancelier Bulion, ayant proportionné & réglé leurs harangues au digne fubieét qu'ils en auoyent, les firent fort courtes, mais cest abregé fut encores assez long pour les loüanges & feuretés qu'ils vouloyent dōner a toute la compagnee Coyonnesque. Quelques vns des plus ieunes & tendres veaux vouloyent applaudir, quand leur frapement des mains fut interrōpu par vn plus pesant bruit, qui estoit celui d'un bassin.

Lors chacun de l'assemblee ne se contentant pas d'ouyr ceste harmonie, ressemblant à celle des pardons, en chercha la cause pour en donner pareil contentemēt aux yeux qu'aux oreilles, aussi tost vn peu plus auant que lefdits harāgueurs, l'on apperceust eleué sur vn haut scabeau ledit bassin, lequel estoit fait par diuerses separatiōs, cōme sont les bassins qui mandient dans les Eglises, pour d'autant plus facilement distinguer les differētes mōnoyes. L'on remarqua aussi derriere ledit bassin celui qui le faisoit raisonner, le frappant avec deux morceaux de bois en forme de cliquettes. Les vns disoient en le cōsiderant qu'il ressembloit aux pourtraiets que lon faiēt de Simon le Lepreux. Les autres disoient que c'estoit Barbin, ce qui ne demeura pas long temps en doute; car en prononçant les vers cy deffous, on recogneut bien à sa voix rhumatique & nō harmonique, que c'estoit ledit Barbin. Mais pour ne faire perdre les gageures qui auoiēt esté faiētes sur ce sujet, il fut resolu qu'on le prendroit desormais pour ledit Simon, & pour luy mesme, & qu'on escouterait ces rithmes lepreuses:

*Vne fois, deux fois à l'offrande,
Monsieur veut planter son couffin,
Sur Picardie & Parrassin,
Apprenez ceste sarabande.
Pour estre en Cour ou grand ou grande,
Il faut cracher dans le bassin.*

Les plus curieux peurent voir comme il y auoit beaucoup de misteres dans ledit bassin, il estoit fort grand, fort profond, & estoit diuisé en plusieurs parties par des lames d'argent, regnantes depuis son centre iusques à son bord: chacune desdites parties estoit encores diuisee circonformement à plusieurs par celles; ce qui n'eust pas esté fort facile a entendre n'eust esté que sur le bord dudit bassin estoit graué en grosses lettres à la façon de chacune desdites separations, C'est à sçauoir aux vnes toutes les prouinces du Royaume de Frâce, aux autres estoient grauez ces mots; Maison du Roy, maison de Monsieur, maison de Madame, maison de la Royne qui doit venir, de quel pays qu'elle puisse estre, Maison de Madame Chrestienne. Et dans le fonds de chacune partie trauersalle estoient aussi grauez en grosses lettres les nös par rangs destrois ordres du Royaume, & des principaux officiers d'iceux: mais sur tout esleuez en forme de cassollette double, deux vases sur le centre dudit bassin, où au costé de plus haut on voyoit graué en lettres Italiennes ce nom, Rome, & au costé de l'autre vase inferieur, on voyoit aussi graué en lettres Marannes c'est autre nom, Espagne.

Au commencement peu de personnes allerent à ceste offrande; ie remarquay seulement vn homme habillé comme sont ordinairement les Nonces, lequel s'aduança le premier, & apres auoir fait vne reuerence à la Romaine à Monsieur le Marechal, il s'achemi-

na vers ledit bairin, & dans le plus haut vale il mit avec grande ceremonie quelque oblation que ie ne peu remarquer. Vn autre homme fort maigre & à teste marotiné portant au mâteau vne Croix *San Iago*, s'aduanca le second, puis ayant fait semblable ceremonie que son deuancier, mit dans l'autre vase quelque present qu'on ne vit non plus que le premier. Neantmoins en songeant ie m'imaginay que ce n'estoient pas reliques, d'atant que le garde bairin ne les baissa point, mais salua seulement ceux qui s'estoient ainsi reclamez au son des cliquettes. Quelques autres marcherent apres, & ayant posé leurs offrandes aux lieux de leurs departemens, le semoneur leur bailla (ainsi qu'il me sembla) quelques petits morceaux de papier, soublinez Conchino Conchini.

Or la foule n'estant pas encor assez grande à ceste offerte, au gré du chef de la compagnie, il fit signe de la teste & de la main qu'on s'aduancast. Lors au costé dudit bairin parut assis sur vn puiot (comme sont plantez les moulins à vent) vn homme à barbe noire, faicte en langue de serpent, vn homme frizé en Damoiselle, & vn homme si fort aduantageux en grâde & grosse fraize, que le vent en y soufflant luy fait faire, au grand estônement de l'assistance, trois ou quatre piroüetes sur le cul, mais en fin & tousiours, son visage tourna vers l'idole de la faueur.

Ceste souplesse le fit d'auantage considerer, ce qui ne fut toutefois que par derriere, ne monstrant aux spectateurs que ceste partie, a laquelle estoient attachez plusieurs tableaux, nō d'armoiries, cōme les corbeaux & crieurs de Paris portent, mais pourtraits lesquels representoiēt assez biē le Duc de Sully, & plusieurs autres ausquels ce beau fraizé a fait baqueroute, & au desso' de dits tableaux estoit escrit, *Cosi va il mondo.*

Après

Après que la compagne eust considéré allez long-
temps ceste giroüette en forme d'homme, on luy
veit faire vn demy tour de la teste par sur l'espaule,
& en mesme temps l'on etendit sortir de sa bouche
ces paroles poisees & nombrees:

Icy, Messieurs, l'on y debute

Offices, Secaux & maini Edict,

Que la chambre (sans contredict)

Passé contre la loy escrete:

Mais si Monseigneur ne s'acquiesce,

En me faisant ce qu'il a dict,

Ie les vends esgaux en credit

Luy & la Royné Marguerite.

Ceste harangue verifiée estant finie, j'aperceu en
place vn maistre drolle, que ie recogneu pour l'auoir
veu faire le fat chez les grandes Dames, faire le veau
par tout, faire l'homme d'estat parmy les femmes de
chambre, faire le cerbere aux portes du Cōseil, faire
le sot a pied & a cheual, faire l'insolent par toute la
maison dudit Seigneur Vicompte de Paris: il sem-
bla que sans manteau il sortoit d'entre les iambes de
cest homme fraizé, puis ayant fort grimassé sans faire
aucune reuerce ny au tabourin, ny au tabourineux,
il dit en voix de pucelle: Messieurs, ie meure, il me
semble que ce braue homme en forme de moulin a
vent a dit vray, au moins ces discours me plaisent
plus que ceux du marquis de Cœuures; yn autre plus
graslor s'approchant de luy l'arresta tout court, en
luy disant tant seulement; Paix monsieur l'Hussier
general & riuall de Denis, vous n'allez pas moins viste
de la langue que vous auez fait autrefois dru & menu
despieds, non pasa caprioller par haut, mais a volt ger
terre a terre, comme bon phantassin, rendez hōneur
a qui vous le deuez, & defferez aux gens de la caualle-

rie. Je cognoissois bien ledit huissier par toutes les qualitez cy dessus, mais ie ne l'auois cogneu poltron qu'a ceste heure la qu'il demeura sans parler & sans mouuement, & ce qui deuoit aggrauer sa poltronnerie, c'est que ce silence ne luy fut ordonné que par vn Capitaine si fort reformé, qu'il en auoit perdu ses armes en qualité de Capitaine Mouceaux. Mais apres auoir rappellé ma memoire, ie confessay que mōieur valoit biē madame, & que par ceste poltrōne humeur ils vouloiēt tous deux plaire a Mōsieur le Marechal, tesmoins ces vers que ledit Monceaux recita:

*Icy son excellence enseigne
Les arts de poltron euident,
Achil' le fut en deuissant
N'en desplaise au Roy de Coquaigne
On perd, qui ce bel art desdaigne,
La substance par l'accident.*

Alors que par la fin de ces uers l'on croyoit que ce Capitaine reformé, & ce lacquais metamorphosé en Huissier geneneral des cabinets, auroient finytoute la coyonnerie; Nouuelle rumeur arriua, Prestres en quantité comparurent, faisant plainte qu'on n'auoit pas rendu a l'Eglise, & quelques autres sorte d'Eclesiastiques faits comme protonotaires grands Vicaires & Archediacres, se formalisent tout de mesme de ce qu'un coadiuteur de Conciergerie, de ce qu'un portefaix & pendant de College, de ce qu'un frippon de Palais, un boutecul, un renard, un maquignon de Chancelliere, de ce qu'un archiladre, de ce qu'un regrattier & frippier de faueurs, de ce qu'un sot de lacquais, & de ce qu'un capitaine archipoltron auoit precedé Monsieur l'Archeuesque de Tours reprenant le Clergé. A ceste instance la compagnee demeurera coye: mais aussi tost qu'on apperceut la venerabi-

lissime personne de ce prelat, que plusieurs hommes
& bonnets carrez pouffoient par derrière comme vn
asne qui ne veut pas marcher, l'on entendit plusieurs
concerts de musique, lesquels n'auoient pour toutes
paroles sinon, *hin han, hin han, hin han*: ce que ledict
Archeuesque tint à si grande faueur qu'il en fit quel-
ques signes de remerciement à ses braues musiciens.

Et apres vn branlement de teste, & quelques gri-
masses pantalonnesques, il se tourna vers Monsieur
le Marechal & luy dit ainsi:

Et roturier noble & Abbé,

Je remonstre à vostre excellence.

Que ma sœur a tant desrobé

Et vostre asne tant regimbé,

Que le peuple en requiert vengeance

L'entretiendrois plus l'assistance,

Mais ie ne scay ny a ny b.

Vn Aufmonier Nason, alias Messer Andreas, l'un
desdits Ecclesiastiques voulut appaiser ses confreres
leur disant, Messieurs, il ne faut pas trouuer mauuais
si to^o ces gēs de main & d'esprit ont en matiere de ha-
rāgues precedé *Monseignor*, bien au contaire & au re-
bours de cela, ne nous est honneur & profit, qu'ils
prenent ainsi le deuāt & nous laissent le derriere. Quāt
à ceste chāson de, *hin han, hin han*, elle doit encores ho-
norer *Monseignor*; car au pis aller quand ils voudroient
le prédre pour vn asne, encor mieux: fut il iamais cho-
se pl^e estimee par les anciēs que l'asne, chose qui soit
plus domestique & plus spirituelle que ce doux ani-
mal, les anciēs preferoient les asnes à toutes sortes de
mōtures, il ne paroist nul orgueil à l'asne, neātmoins
il n'a pas moins d'agreable grauité que beaucoup de
docteurs & autres gens qui sont vne heure à faire six
pas; l'asne tient à si grand mespris la co y onnerie

qu'il endureroit plustost mille coups de bastõs, que
d'abandonner son hõneur à la fuitte, l'asne est l'exem-
ple de la patience, & c'est d'où Pythagoras apprint à
supporter les outrages, tât de Xantipe sa femme que
d'autres. L'asne a faict d'admirables effects avec sa
voix. Ceux que Darius cõduisit contre l'effroyable
armee des Scithes, firent vn si grãd bruit avec leur *hin*
han, que tous les cheuaux Scithes en prindrent l'es-
pouuente, & l'honneur de la victoire en fut attribué
aux asnes. Quand Iupiter fit assembler les autres dieux
pour faire la guerre aux Geans, qui fut cause du gain
de la bataille sinon les asnes, sur lesquels estoient mō-
tés Vulcan, & les Satires, Ce fut ces braues animaux
lesquels ayans apperceu la monstrueuse taille de ces
Geans, se mirent à chäter & braire de telle sorte que
lesdits Geans en preuant l'espouuente se deffirent
d'eux-mesmes? Dieu vueille que *Mõseignor* ne meure;
mais si cela estoit, que ne feroit-on point de ses mas-
choires, si le Duc de Montbason en tenoit vne à sa
main, il en pourroit plus tuer d'hõmes que Samson
ne tua de Philistins avec la machoire dont il s'arma
cõtre eux. Et de plus si la peau de *Mõseignor* estoit par-
chেমinee & estenduë sur vn tabourin, ne feroit elle
pas admirable? Elle feroit deux infaillibles & contrai-
res effects: car son terrible son espouueteroit d'vn co-
sté, & animeroit de l'autre. Quant au prix il s'est ven-
du en Aragon vn asne cent mil liures d'argent, à Ro-
me il en fut vendu quatre pour le prix de quatre cẽts
mil sesterces, sans comparaison, la Frãce a bien ache-
té *Monseignor*, & les siens a plus haut prix qne cela. Au
siege de Samarie vne teste d'asne fut vendue qua-
tre vingts deniers d'argent, ie croy que celle de
mondit seignor, de Monsieur le Marechal, & de
Madame la Marechalle, l'on en tronueroit quatre

millions d'or par Paris seulement: N'en parlons plus, d'autres plus importantes affaires se doiuent traiter; T'ay apporté icy vn long discours en forme d'aduis, qu'un Cavalier Florentin escriuoit à Monsour le Marechal, & d'autant qu'on a permis a Voisin de lire les remonstrances que la Cour de Parlement faisoit au Roy, i'estime qu'il vouldra mieux faire de mesme eslection de quelque François. Mais si fort Italiennisé, que sans lire ledit discours en son Tosca il le traduise & prononce à l'instât en François. Cest aduis fut approuué, & le sieur de Buillon Chancelier comme dessus a grandes mains & courtes iambes ayant dit vn mot à loreille dudit Marechal se tourna vers la compagnee, & nomma pour lecteur le Baron Cheualier d'Aubeterre, & pour adioinct le sieur Deffontis; lors papiers leurs furent deliurez & incontinent apres quelque Florentine remonstrance l'amy lecteur commença sa traduction ainsi.

*A Monseigneur Monseigneur le Marechal
d'Ancre.*

TRes-illustre & tres-excellent seigneur, vos volontés que vous m'aués commises, & mon obysance, qui les a ensuiuies, n'ont trouué en ces lieux que toutes executions faciles, vos amis se sont resiouis quand ie leur ay dit ce que i'auois veu & sceu de vostre fortune, vos ennemis au contraire en ont ieu de spleisir; & vos correspondances de la banque ont mis l'ordre que vous desiriez à vos deniers. n'ayans pas regret de vous les remettre puis que c'est pour acheter vne bonne partie de la France.

Les vns & les autres m'ayans ouy en Academie publique ont trouué vos grandeurs si promptement esleues, vos dignités si tost erigees, & vos innombrables richesses si tost recueillies, qu'ils ont tous

ensemble & craint & iugé, que ces excessiues faueurs de la fortune pourroient estre quelque iour les trōpeurs esprits, lesquels en forme de flambeaux ardés vous conduiront a vn precipice, dont la cheute vous sera plus deshonnorable que toutes vos esleuations ne vous auront esté glorieuses.

Ces vertueuses compagnees m'ont dit par apprehension plusieurs choses que ie vous veux mander avec beaucoup d'autres que ma bouche n'eust osé vous dire de la façon que cest escrit vous le fera entendre. Ie vous dis donc avec regret, que vous auez voulu paroistre trop à coup, vos magnificences, vos audaces, vos suittes, vos violences, vos vanitez, vos entreprises, vostre ambition, vos bastimens, vostre ieu, vos achapts de gouuernements, d'offices & de terres, les transports excessifs de l'argent de France, que vous auez fait faire en diuers lieux ont esté trop visibles, & vos pouuoirs souuerains se deuoient contenir en quelque moderation. Alors vous eussiez empesché que l'on n'en donneroit pas les honteux blasmes & les indignes reproches à vostre bien factrice, & par ceste mesme discretiō vous eussiez empesché de dire que de la deplorable mort de Henry le Grand, vostre prodigieuse grâdeur a pris naisâce.

Il falloit imiter Dion, excellent disciple de Platon, lequel estant venu à la possession de Syracuse, ne voulut porter autres habits que ceux qu'il portoit en sa premiere condition academique, & ne voulut qu'on luy apportast d'autes viandes que celles qu'il auoit accoustumé de manger.

Si vous vous fussiez contenté de quelque mediocrité, au moins en apparence, & que vous n'eussiez pas aspiré aux grandes charges de la guerre ainsi vous n'eussiez pas esté la calamité des ialouses, & l'on

n'eut pas tant considéré vostre humeur , laquelle
n'est nullement propre à ceste charge guerriere , ou
bié il falloit l'auoir merité, non en courât vn faquin
dās la rué S. Anth. mais en imitāt *Sicimus Cātatus*, le-
quel mit si souuēt la vie en peril pour la deffēce de sa
patrie, que 16. courōnes, 183. carquās, 160. brasselets,
18. lances, & 20. harnois de cheual furent les hōnora-
bles marques des victoires qu'il auoit acquises en
plusieurs guerres pour vne si iuste deffence.

Marco Varonee, voulant enseigner la droicture à
vn principal citadin, raconta les belles actions tant
de paix que de guerre de 70. autres excellens Cita-
dins, puis separant ce qui estoit de plus parfaict
en chacun d'eux, il l'attribua à vn seul, le rendant
ainsi parfaictement accomply. Si ce meſlange de
Mars & de Venus se fust rencontré tout de meſme
en vostre cœur, trop paciſſique fortune ne fera pas
croire le contraire, de voir & dire qu'on en pourroit
bien prendre plusieurs de lasches qualitez, pour en
composer non seulement 70. mais vn milliō des plus
accomplis coyons de la terre, encor pour cela il pas-
seroit sans flux, n'estoit qu'on dit de vous plusieurs
choses que ie ne puis croire; recognoissant trop vo-
stre bonne œconomie & celle de madame vostre
femme, pour penser que vous voulussiez coniurer la
ruine de la France: car outre vostre incōparable pro-
fit, vous la deuez tenir pour vostre vache à lait. Vo-
ſſeuez beaucoup mieux que Mr. le general de *Gliſfra-
tri ignorāti*, vostre beau frere, la ſentēce de Plutarque,
qui dit que ceux qui conſeillent mal, iettent le ve-
nin dans la fontaine publique, & que d'autant plus
tels conſeillers meritent punition exemplaire, que
plus grand est le dommage qu'ils ſcaulent. En effect
c'est art des ministres du diable, de tromper pour

quartier de la bouche) per cinque jolaz, qui sont dedans. Del'autre costé il y a vn balet desguisé en homme de dignité, lequel tenant l'autre bout dudit baston, qui dit aussi (moyennant vn escriteau) *per dio é per quatre million doro* qu'ils sont à nous. Et au milieu est représenté vn asne enharnaché comme vn Archeuesque qui leur respond, Amen.

La premiere fois que ie vis ceste assemblée i'en ignoray l'explication, iusques à ce que la reconnaissance des visages me la firent entendre, & m'accusay d'estre bien lourdaut, & peu entendu à ces choses, veu que les petits garçons, les nourrices, & les buandieres en font des gueridons, sans y oublier vostre nom. Tout cela ne signifie qu'une grande haine qu'on vous porte. Ce qui est encor accompagné de plusieurs mauuais signes, qui semblent annoncer du haut ciel vostre mort, comme prodigieuses commettes, & vouloir esclaire de leurs lumieres effroyables les supplice que la France vous proiettent, vous auez peu destourner ces malheurs de vostre teste, mais pour ce faire il falloit que vous eussiez eu plus de discretiõ & moins de vanité, plus de liberalité & moins d'auarice, plus de valleur & moins de lascheré, plus de respect & moins d'outrecuidance, plus d'honneur & moins de veillaquerie, plus d'humanité & moins de tyrannie, plus de franchise & moins de circonspection, plus de prudence & moins de presumption. Bref, il vous falloit auoir plus de bons ressentimens & moins d'ingratitude.

Ces deffauts se ioignans avec plusieurs autres mauuais qualitez que i'ay recognus en vous, me font de plus en plus croire aux signes qui vous menacent, & me font apprehender que les François

apres plusieurs patiences contraintes, n'apprenent
& pratiquent & leurs sens & interests sans estudier
le s. des Tusculanes, qu'on ne doit point auoir de
societé avec les tyrans, mais plustost inimitié tres-
grande, & qu'il n'y a rien à qui nature contredise
moins qu'a destrousser celuy qu'on peult iuste-
ment faire mourir.

Il se recognoist desia des grâds & sâguinaires des-
seins contre vous, desia les plus releuez de qualité
qui vous approchent familierement, commencent
à se blasmer; & la honte des respects qu'ils vous
ont renduë, & se chastient eux mesmes & les re-
grets qui leur donne le souuenir de leur lascheté.

Le murmure est maintenant general en France,
l'on parle hautement pour animer contre vous, &
l'on escrit tout de mesme, tesmoins ees vers que le
Petraque auoit escrite pour encourager l'Italie,
lesquels on a rendus François, pour animer les
couragez, lesquels pour vostre bon-heur ont esté
iusques à ceste heure assoupis.

L'honneur & la vertu veulent prendre les armes,

Encontre la fureur, deux monstres & leurs charmes

Qui font que la France est l'exemple du malheur,

Ils ne faut pour les vaincre vne forte bataille:

Car tous leurs renegats & coyons à maille,

Ne scauroit surmonter la Françoisse valeur.

Ceux qui les expliquent passant plus outre di-
sent, que ledit Petrarque auoit raison d'auimer l'I-
talie contre ceux qui la rauageoient, mais quel'on
a bien encores d'auantage de subiet d'irriter les
François contre vous & vostre femme, qui auez
plus faict de mal dans la Frâce depuis cinq annees
que plusieurs armées ennemies n'en eussent peu
faire durant le mesme temps. Vous m'auiez bien

contene quelquefois que tout ce que vous faiez
n'estoit que pour assembler le plus que vous pour-
riez d'or & d'argent, disant avec ce grand historien
nostre compatriote, que vous ne tiendrez iamais
vn homme, ny assez bien fortuné, ny assez riche,
s'il n'auoit comme vous auez grãd nombre de pla-
ces fortes, grandes fortunes de deniers pour sol-
doyer des armées, & d'inaillibles moyens pour
brouiller la Frãce quãd vous voudrez, en y faisant
entrer telles forces estrangères qu'il vous plaira.

Or sans auoir fait tant de chemin és pays estrã-
gers que Thales, & sans aller plus loin qu'en vos
maisons de la ville & faubourgs de Paris, & non
de ce lieu où elles sont encores à bastir, l'on pour-
ra aussi bien trouuer estrange que ledit Thales, de
ce qu'il est possible qu'un tyran enuieillisse.

Ie vous donne cest aduis, faites en vostre profit,
craignant que pour remettre la lecture apres vo-
stre sômeil, il ne vous arriue pareil malheur qu'à
Archias qui fut tué pour auoir mis sous sô oreiller
les lettres toutes fermées, que le souuerain Prestre
du mesme nô d'Archias luy escriuoit, portât aduis
de l'entreprise qui estoit sur sa personne & sur les
autres tyrans; prenez y garde, & lisez cecy aupara-
uant que dormir, car les negligences & les erreurs
aux fortunes comme est la vostre, ont les mesmes
effects que les fiebres etyques, lesquels en se des-
couurant descouurent qu'elles sont sans remedes.

Le meilleur que ie voy en vos affaires; c'est que
la faquinerie de tous les grands de France, & las-
cheté des petits coyôs, n'a pas encores estudié ius-
ques à la maxime d'un de nos cõpatriotte, qui dit
estre chose dangereuse d'offencer vn homme de
peu esleué au degré où vous estes, mais qu'il est

encores plus perilleux de le laisser reſuer en cett
eſtat; concluant que nos droguiſtes Italiens ſont
plus experimentez à ces maux-là, que ne ſont ces
beaux phlebotomiſtes François, qui s'attaquent
ſeulement les vns aux autres, ſans faire les ſaignees
neceſſaires.

Tandis que i'eſtois à Paris ma curioſité me fai-
ſant rechercher toutes ces choſes, il me tomba en-
tre les mains la copie de ceſte centurie.

*Vn grand ſabat tiendra pour forger ſur l'enclume,
Des poiſons, des exils, des vols, des aſſaſſins,
Le coq ſera plumé, & d'ſariche plums,
Achepter ſe pourra, & les deux qu'on preſume,
Pourront vendre le coq, la poulle & les pouſſins.*

L'on diſoit que ladite Centurie s'eſtoit trouuee
dans la groſſe tour de la Conciergerie, eſcrite avec
du ſang contre la muraille, & qu'elle n'auoit eſté
que diuerſement expliquée, touteſois ie ſçay bien
que Madame voſtre femme en euſt l'intelligence:
car ayât au ſoir aſſemblé au clair de la Lune les Me-
decins Montalto & la Broſſe, & pluſieurs autres de
meſme ſarine & confrairie ſorciere, ils n'eurent
pas pluſtoſt attaché les ſuſdits cinq vers avec la
graiſſe d'une pucelle aux pieds d'une fideuſe figure
que vous tenez dans voſtre logis pour la meſme
cauſe que les Troyens tenoient Palas dans Ilion,
ils n'eurent pas pluſtoſt diſ- ie fait ceſte nuitaliere
& effroyable application, ils n'eurent pas pluſtoſt
ouuert leurs boüettes de graiſſes ſepulchrales, deſ-
ployé leurs parchemins vierges, allumé pluſieurs
bras de pendus, & marmotté quelques parolles cō-
fuſes deuant ladite figure, que leſdits vers ſe trou-
uerent changez en ceux-cy.

*Par vn conseil de Dol, & maint autre infidelle,
Vn gueux faict Marechal, pourra tous maux forger,
Et la France achepter de l'or qu'il a pris d'elle,
Où s'aidant du pouuoir qu'on luy donne sur elle,
La pourra faire sienne, ou vendre à l'estranger.*

Ces derniers vers interpretant assez les premiers en parlant de vostre pernicioeux Conseil, de vostre non meritee esleuation & de vostre brigādage. Ils n'oublient pas aussi d'exprimer vostre tyrannique puissance. Mais pour toutes ces explications, les François pour vostre bon heur, ne s'en rendent pas plus sçauant, & n'ẽ sçauoit iamais assez pour estre plus fins que ceux de nostre Etrurye.

I'estimois au cõmencement que vous auiez raison de contrefaire le malade, pour estre d'ordinaire à couuert dans vos superbes maisons, & là tenir vostre legitime & coyonesque Empire: mais certes iem'en suis desdit, i'ay recogneu que c'estoit pour contrefaire le souuerain Gaulois, y tenant la banque de toutes les charges de France, des offices, & de la fortune d'vn chacun. Il y a trop de tyrannie en cela, & vous l'aurez entierement vsurpee, n'estoit que toutes lettres s'expediẽt encores sous le nom de grand Roy Louys XIII. lequel (quoy qu'en bas aage) ne deuroit pas laisser de vous donner autant de terreur durant vostre insolẽte puissance, que Henry le Grand vous donna d'apprehensions, lors que vous ne commenciez qu'à vous acheminer à vostre fortune, & qu'à toutes heures vous desseignez vostre retour à Florence. Certes, certes, il y a trop de tyrannie en vous, & trop de lascheté en ceux qui negligent d'entrer dans le temple sacré du Roy pour aller faire leurs sortes & coyonesques adorations dans vostre logis

qui y ioint. Ceux-là mesmes font caule que les estrangers nouueaux venus à Paris, ne sçauent si la Majesté est logee à vostredit petit logis, où s'y c'est par là qu'on entre au Louure: car toute la coyonnerie Françoisse appochant à la barriere Royale, crie tousiours, tourne à gauche cocher ce qui met encores lesdits estrangers en doute. C'est qu'il sēble que les corps de garde veillēt plus pour vostre seureté que pour garder ce temple des Dieux de la France, & qu'il n'est plus que la basse court de vostre logis. Je crains à la fin que pour faire reellemēt trop de choses, & que pour en contrefaire trop d'autres, vous n'ē receuiez des malheurs en effect.

Cælius pour s'exempter de visiter des personnes qui valloient mieux que luy contrefit long temps le goutteux, & se fit tant frotter les iambes avec des onguens, qu'à la fin contre toute esperance, il se trouua goutteux en effect, Martial nous y doit faire penser par ces vers,

Tantum cura potest & ars doloris,

Desit fingere Cælius podagram.

Je craindrois bien pour vous d'autres bien pires choses que les gouttes, n'estoit que la generalle coyonnerie des François, & qu'il faudroit que les plus grands qui sont vos complices tyranniques encourussent vostre mesme fortune. Neantmoins tout le peuple cherche resiouissance en vostre ruyne, & me faict ressouenir qu'aux Prouerbes 128. il est escrit, la cité & les peuples se resiouyssent pour la prosperité des iustes, & font feux de ioye pour la perte & ruyne des meschans.

On cherche tousiours le changement du mal au bien, & Aristote dit que le changement d'estat deriue de ce que ceux qui gouuernent commandent

trop tyranniquement, & ne tiennent conte de la iustice, sinon qu'entant qu'il y va de leur interest particulier.

En prenant tout comme vous faictes avec vos complices, vous ne pèsez pas à ce que Tibere empereur disoit, que c'estoit bien louable chose de touzer, mais non pas d'eicorcher.

Il ne parle pas à vous tout seul, mais ie dis avec l'Eccles. 10. que dieu faict diminuer les Estat^s, quand ceux qui en sont les principaux ministres sous le souuerain, permettent les choses tyrannique, pareilles à celles qui vous sont permises, & cela est faire retourner le peuple en Egypte.

Si tost que le sieur Don Ioan de Medicis vous sceut aux grâdes charges où vous estes esleué, il dit qu'il apprehendoit de grands mal heurs pour la France, & merecita ces parolles de la sainte Escri-
*tura, Scema Dio il Realme dandogli persone vili che torca-
no il suso Piloti temerari, literati senza anima, Medici ig-
noranti, Giudici senza scienza & conscienza & gente
inutile.*

Plusieurs autres de vos amis en pareil degré que le precedent n'attribuent pas tât la cause des maux de la France à vous, & plusieurs autres qui n'administrent pas trop bien qu'à vn d'eux, & disent ainsi avec Iob, que ce sont visites de Dieu, *qui regnare facit impetitam propter peccata populi.*

Or c'est de vostre conduite que vous pouuez & devez plus esperer ou du mal ou du bien, l'electi-
on de l'une des deux est plus naturelle que l'autre: mais sur tout ne vous hez pas tant à la fortune, & pour ce faire apprenez par cœur ces vers icy qu'un de vos meilleurs amis a faict pour vostre instru-
ction.

Forte

*Fortune peut comme de cire
Faire vn monsieur, faire vn Mre
Elle est Royne des dignitez
Et des diuerses qualitez.
La nature est Imperatrice,
Chacune en vous fait son office,
Mais fortune veut par argent*

*Faire à Nature piperie,
Neantmoins s'il force varie,
Et quoy qu'on vous aille erigeant
Vn throsne d'or & pierrieres,
Vous tiendrez tousiours du sergēt,
Du bougre, & de la fripperie.*

En vous donnant aduis de tout ce que i'ay ouy dire de vous, ie vous mande tout ce que i'ay pensé & songé pour vostre bien. Adieu ce lecteur ayant finy sa tasche sans auoir esté secouru par defonctis son coadiuteur, il fit grand nombre de reuerences, & pour applaudir d'auantage Mr le Mareschal, il parla en ceste sorte.

Mr, qu'on die ce qu'on voudra de l'vsurpation que vous auez faicte & practiquee, vous y auez fort bien ioué vostre personnage durant cinq annees: car en vous aydant de l'endiablee malice de peu d'hommes, & del'ignorace & insensibilité de beaucoup d'autres: vous auez reduit toutes les affaires à passer par l'estamine de chez vous, puis vous en auez pris & laissé ce qu'il vous a pleu. Il fut vendu à la foire S. Germain vn tableau, lequel sans parler disoit la mesme chose. Ce dit tableau ressenoit vn des plus beaux payfages du mode, plusieurs costaux couuerts de pins & autres grands & beaux arbres verdoyãs, d'vn costé la belle plaine qui y paroissoit, és autres costez l'on voyoit plusieurs belles villes decorees de grande quantité de clochers portans de fleurs de lys pour marquer sur leurs pointes: sur tout paroissoient du long & du trauers de ces belles plaines grand nombre de riuieres, lesquelles dans tous leurs lits & cours ordinaires sembloient estre contraintes de se venir rendre toutes au milieu desdites palmes, dans vn mesme canal, moyennant plusieurs

tortes aigues & baltardeaux redoublez. Sur les ri-
uages paroissoient infinies peuples lâguissans, cou-
chez sur leurs inutiles nasses, rets, lignes, scyques,
tramails, & autres instrumens de pescheurs. Mais vn
peu plus haut à l'emboucheure dudit canal, l'on
voyoit deux hommes qui seuls faisoient toute la
pesche, n'ayans pour tous outelet que deaux seaux:
l'vn d'eux estoit vestu d'vne soutane de satin ayant
dessus vne grande robbe de velours plain, & estoit
coiffé d'vn chappeau en platte forme: l'autre estoit
habillé tout de mesme qu'estoit le faquin qui seruit
de quintaine à Amiens, & par ce moyen de deux
sceaux il sembloit qu'ils enleuoient toute sorte de
poissons, derriere chacun d'eux il paroissoit encores
deux autres hommes cōme pour receuoir le profit
de la pesche. Le premier estoit vn petit homme fort
ventru à l'encolleure apoplectique, cōme d'vne sou-
tanne de satin, lequel sembloit à belles mains rece-
uoir le poisson & en faire distribution à ces peuples,
qui de loing & de pres leur faisoient mōstre de leurs
bourses. Le second estoit vn petit homme rousseau,
lequel estoit plus chargé de croix de Malte que de
graille, & plus couuert de boutons S. Ladre que de
grains benits, ainsi que l'autre il recenoit la pesche
d'vne main: mais il sembloit que de l'autre main il
en iettoit dans vne grande mare pour reseruer ledit
poisson à la façon du pouteau de mer, & que de la
mesme main il en baillast pour payement à diuerses
sortes d'ouuriers & artisans. Or au dessus de ces
deux habillés & hardis pescheurs, estoit encores re-
presenté vne femme assez richement habillée, mais
ayant vn visage de Megere, laquelle estoit assise dās
vn vaisseau Royal, à l'entour duquel toutes sortes
de poissons venoient comme charmes, & sembloit

qu'elle fit signe de la main, & qu'en ce faisant elle donnoit aduis ausdits pefcheurs quād il falloit qu'ils miffent les fceaux en pratique pour faire bonne priſe. A l'autre bout dudit vaiſſeau, il n'y auoit pour baſtellier ou pour conducteur, qu'un grand homme de façon fort ſauuagē, tout ſemblable à Dolé lequel faiſoit flotter dās l'air vne banniere rouge faiçte de pluſieurs pieces, dās laquelle eſtoiēt eſcrites en lettres de Chācellerie doree, ces parolles Eſpagnolles:

Rio buelto ganancia es de Peſcadores.

Et plus bas eſtoit eſcrit en bōnes lettres Frāçoiſes.

Ceſt excelent tableau nous peut bien faire entendre

Qu'au Seigneur de ces lieux on rait le pouuoir

Et ne faut ſ'eſtonner n'y voyant rien mouuoir

Ces peſcheurs ont tout pris ils n'ont plus rien a prendre.

Mr, vous voyez par toutes ces harangues, remonſtrances & poēſies comme on ſe ſouuiēt de vous, les orateurs diſcourēt de voſtre gloire, les Poētes font des vers en voſtre honneur, & les peintres repreſentent voſtre puiſſance par des embleſmes honnora- bles. Et moy qui ne ſçay ny diſcourir verſifier ny peindre, ie ne ſçay ſinon prier Dieu qu'il vous eſleue d'eſchelon en eſchelon, & ſouhaitter que voſtre hiſtoire ne ſoit eſcrite par d'autre que par ceux qui en ont deſiā tracé les premiers traiçts, ſans que les ſieurs Voiſin, Aſſe, Cheſneau, & le Flament y ſoient employez, comme les quatre Euangelistes que Meſſieurs les bourgeois de Paris vous deſirent, & que toute la France vous ſouhaitte.

Vos vertus & voſtre courage ſont en ſi grand mal-heur, qu'elles ne ſe font admirer ny craindre, il n'y a que moy qui les honore à cauſe du pays, & qui donne des dementis à tous les diſcours qu'on faiçt de vous: depuis peu de iours encores ie condānnay

au supplice ordonne a tous nos conuoyens de se-
dome, vn escrit qu'on disoit auoir esté affiché à la
porte de vostre logis du faux-bourg, dont la teneur
ensuit.

Principauté de Lucifer, Cité de Borgelet, Royau-
me de demons, demeure de bestes sauuages, abbord
des hommes sans cœur, felicité miserable, inquietu-
des perpetuelles, force tremblante, santé fort infir-
me, pestilence continuelle, grandeurs caduques, sy-
nagogue des Iuifs, noblesse incogneüe, sac persé, ca-
uerne sans fonds, soif insatiable, puante prison, re-
ceptacle de vices, escole de luxure, fondement fra-
gile, tromperies loüees, viperes horreur, & excla-
mations du peuple, l'horreur de la France, & l'En-
fer des viuans.

Ce qui m'estonne des bruits qui courent à vostre
honte, ce sont ceux des sortileges de vostre femme,
des secrettes communications qu'elle & Montalto
Medecin Iuif ont avec les demons. Ce sont ceux des
charmes dont on dit qu'elle empoisonne l'esprit de
sa maistresse, & sur tout sont ceux des lubriques fa-
miliaritez dõt on dit qu'elle exerce son corps ethi-
que avec vn Prestre onctueux, vn maquereau gra-
dué & vn Cheualier ladre toutes les nuicts pour en
soüiller vostre couche à son retour, & y porter les
puantes odeurs de paillardise. Ces choses, disie,
m'estonnent si fort, & ceux qui les oyent les trou-
uent si estranges, qu'ils l'accompagnent à Messaline
femme de Claude Tibere, & disent qu'elle doit em-
porter sur ceste enragée & desbordée imperatrice la
propriété de ces vers de Iuuenal:

----- dormire virum cum senserat pxor

Ausa palatino tegetem praeferre cubili, &c.

Mr, ie finis icy, ne pouuant plus rien dire que de

mal en pis: cependant à force d'ouyr rnaranguer eira-
cun en voulut conter & faire de mesme, vn gros
gentil-homme entre autres, fort eschauffé en son
harnois print la parolle, & dit sans faire la iambe ny
le pied de veau.

Mr, vous auez esté hautement loüé par tous mes
deuanciers, mais ils deuoient auoir plus de soing de
vostre seureté & de vostre honneur, ils ne vous ont
pas assez remonstré le peril où vous-vous estes en-
gagé, en voulant esgaller Messeigneurs les Princes
du Sang, en faisant mal traicter & esloigner celuy
qui accomplit en sa digne principauté le nombre
ternaire des precieuses fleurz de lys: en voulât, disie,
faire raualler celuy dôt le Royal nom & inuincible
courage ne peut reccuoir de rabais Et bref, en vou-
lant encores empieter avec luy vn autre bras du
corps de l'estat: par lequel l'autorité du Roy se
faict recognoistre, ses volonteiz se font obeyr, & par
lequel sa iustice faict mieux son saint ministere.
C'est ce venerable Parlement.

*Cet Augste Senat de France,
Cete iuste & sainte puissance,
Et le fort bras de nos grands Roys
Faict que vos tyranniques loys
L'ont menasé de la Bastille,*

*Ne prenez gautier pour garguille,
Car au point d'un triste accident
Vous pourriez dire en descendant
Ma foy Monsieur mon Capitaine,
Je l'auois pris, mais il m'emene.*

Aussi tost vn grand homme à visage de marquette-
rie, cheueux de rapport & barbe ardête, se soufleuât
de la foule coy onnesque commença ces parolles:

*Monsieur il ne s'en fait desdire,
Il faut estendre vostre Empire
Sur ces matoux & chats fourrez
Ou desplaisir vous en auez,*

*Ils iurent desia leurs digestes,
Qu'en faisant après vn trespas
La Regente, ils ne pensoient pas
Faire vn sergent come vous estes.*

Et derriere plusieurs notables coy ons qui faisoïent
huiet rangs à l'entour de la selle, parut hors d'œuvre
vn petit homme assez mal faict, ressemblant extre-

nement par les mains au refferrandaire & quaiſſier
de Dolé l'intendant, lequel teſmoigna vne ſi grande
reſiouiffance des hardis conſeils de ce dernier ha-
rangueur, qu'il dit ainſi;

Meſſieurs, il le faut entreprendre,

Ce Phæbus nous le ſaiſt entendre,

Où vous & nous ſerons perdus.

Il vouloit encor acheuer quelques vers, mais vn
meilleur poëte que luy iugeant que pour acheuer ſa
rime il y pourroit parler de pendus, cria pluſieurs
fois, hola Clerice: tu nous bailleras tant de Phæbus
qu'il inſpirera icy quelque nouuelle peur & frayeur
coyonneſque dans ceſte aſſemblee, où ils s'en trouue
deſia à reuendre; touteſois ce petit auorton ſe tirant
à quartier ne laiffa de murmurer, & dire ſes cauſes
d'apprehenſion au clerc de Barbin, en ces termes,
que i'eſcoutay fort attentiuement.

Parbleu, c'eſt avec raiſon que ie crie qu'on doit
croire ce gentil-hôme rouſſeau: car ſi ces Meſſieurs
du Parlement tiennent quelque iour nos maiſtres,
leurs perſonnes ſeront biẽ toſt miſes entre les mains
du queſtiõneur Barbotte, & ira mal de leurs affaires,
touteſois il y aura quelque difference entre eux, qui
eſt que Mr Barbin ſe trouuera exempt de douleur
entre les gehennes, & par conſequent il s'abſtiẽdra
de conſeiller infinies choſes dont les tourmẽs d'vne
roüe feroient la raiſon; mon maiſtre tout au cõtraire,
fera confeſſion generale, & ſur tout ſi l'on l'ex-
poſe à la gehẽne de la boiſſon, & que ledit Barbotte
ait l'induftrie de luy faire boire deux coquemarts de
bon vin au lieu d'eau; Hé! Dieu que ne dira-il point,
in vino veritas, il ſe perdra par ſes confeſſions, il ſe re-
cognoiſtra autãt & plus coupable que Mr le Mareſ-
chal, d'autant que c'eſt luy qui a trouué les inuẽtiõs

de faire esloigner les Princes de la Cour pour inue-
stir mondit seigneur de leur auctorité. C'est luy qui
a proposé des prisons pour eux & la mort de plu-
sieurs du Parlement, c'est luy qui par mesme dessein
fait faire voille au Duc de Suilly, afin qu'e le seque-
strât de la Cour ils y troublassent l'eau de telle sor-
te, que la pesche en fut meilleure; quelle plus cruelle
& plus iniuste propositiō pourroit on feire que cel-
le qu'il fit, esperant par vne confiscation adiouster
vne grande charge à celles qu'auoit desia ledis Sei-
gneur Mareschal: ce fut luy qui proposa à ceste fin
de faire mourir yn des plus grands de la Cour, grand
en nom, grand en dignitez, grand en bontez, grand
en courage, grand en fidelitez, & si grand en debon-
naireté & frâchise que toute la plus genereuse No-
blesse Françoisse ne s'est recherché depuis 30. ans au-
cune fortune pres de nos Roys qu'elle n'ait prins
pour conseil & pour exēple les actions de ce braue
Seigneur, duquel ô execrable iniustice, les biens, les
gouuernemens & belles charges estoient desia en
proye, si son innocēce assisté de Dieu & de ses amis
n'eussent asseuré sa vie, contre les tyranniques pre-
tētions de ses iuges & parties qui n'estoient qu'une
mesme chose. C'est luy qui vouloit aussi faire mou-
rir le Sr. Moisset pour faire auoir sa belle maison de
Ruel, audit sieur Mareschal. C'est luy, c'est luy qui a
trouué les moyens de faire faire audit Mareschal ce
que les bourreaux executent en faisant leur hauages
sur toutes les denrees estallées es marchez: ainsi sur
tous les offices & charges de la Cour & du Royau-
me. Il a tousiours exigé les biens dont il estonne à
present tout le monde. N'est-ce pas luy qui a fait
resoudre mōdit sieur le Mareschal de se rendre mai-
stre de la Picardie: vous scauez la part qu'il y a, & se-

roit paruenü à la souueraineté du pays, n'estoit ce
falscheux Duc de Lōgueuille, ma foy ce nous est vne
dangereuse partie & le deuons confesser, tant pour
sō courage qui nous a desia fait gaster plusieurs dou-
bleures de chausses que pour ses droicts, ses raisons,
& l'affection populaire qui le maintiennent, & le
tout en de/pit & au mespris des offices qu'on a ap-
posez diuerfes fois à sa constance, ses vertus & son
cœur Royal l'ont rendu plus difficile que le Duc de
Vendosme, lequel a traicté luy mesme le mariage
de Madamoiselle d'Ancre avec le Cheuallier de
Vendosme, en bonne foy ie croy que ledit Duc &
Monseigneur le Marechal ioïent à qui se trompe-
ra, sçachât bien qu'un fils de putain enrichy à un fa-
quin escaën'y a pas grande difference; ie vois bien
quel'un pretend que par son futur gendre il assure
pres du Roy sa branslante fortune & ses grands biēs
iniustement acquis. Mais ie remarque que ledit Duc
comme fin s'assure de l'aduantage, car par la char-
mante puissance de mondit seigneur, & de madame
sa femme, il a conuertiy des haynes qu'on luy por-
toit en des faueurs extremes: maintenant ces char-
mes ou plustost mal-heurs, veulent donc que celuy
lequel contre les loix de Dieu & de la naissance, des-
seruoit le Roy & troubloit l'Estat, soit la seconde
idole de la Cour ien'en puis iuger la cause, si ce n'est
qu'il ait esté touché de ceste pierre d'aymant ou d'a-
choppement. Au moins ie sçay bien par la denōtia-
tion de mes yeux que ledit Duc vsant de passe par-
tout de Monseigneur le Marechal, il entre es lieux
les plus secrets de chez la Roynes, dans peu de temps
ledit seigneur Marechal veut moyenner le retour
audit Cheualier, comme pour de grandes raisons il
moyenné son esloignement. Je ne sçay s'il ne se mes-

prendra point en cela, & autant qu'il y a de qualités naturelles dudit Cheuallier, il en aura encores apprins d'autres és escolles d'où il reuient; & est à douter s'il voudroit preferer le bien de son pretendu beau-pere au seruice du Roy. Or s'il en arriue autrement & mieux que ie ne m' imagine, nous ferons tirer l'artillerie d'Amiës, que le diable soit à Amiës, ie ne m'en puis souuenir & n'en puis parler que ie n'en tremble de hardiesse, & ne me puis représenter les tours & retours qu'à fait en nostre logis cest homme de grande reputatiō, le Marquis de Cœures que le soupçon ne ferende maistre de mon esprit. N'est-ce pas desia vn braue commencement d'honorable alliance qu'on dit par tout Paris qu'il ne pourra naistre de ce mariage, sinon des monstres estant l'vn fils d'vne des plus illustres ribaudes qui soit en toute la ribauderie, & l'autre estant fille d'vn faquin generalissime, i'enrage de ces discours & plus encores de ce que mon Maistre n'est encores ny controolleur general des finances, ny Chancelier, la verité est si diuinement puissante qu'elle m'a tiré ces parolles de la bouche en rendant mon ame capable de ces considerations: neantmoins mon cher amy nous sommes embarques si auant avec ledit seigneur Marechal qu'il faut perir avec luy, mais le plus tard que nous pourrōs, il se pouuoit mieux mettre à couuert qu'il n'a pas fait, & pouuoit mieux nous conseruer qu'il ne fera. Vertubleu pourquoy si tost apres la mort du deffunct Roy, il a voulu trancher du Prince & faire les honneurs du Louure comme s'il eust esté le Maistre, pourquoy s'attribua-il la direction de tous les affaires. Pourquoy auoit-il la vanité de publier luy mesme sa souueraine puissance? Falloit-il qu'aux despens du Roy il entretint cent & cent pé-

tionnaires? Quel besoing estoit-il que de la mesme
bource plusieurs coyons qui le gardent fussent en-
tretenus & eussent chacun mil li. francs par an? De-
uoit-il indignement porter sur son chapeau le iour
de la majorité du Roy à la veüe du Parlement & des
plus grands du Royaume la masse ou pennache de
Herons noirs. que Henry le Grand auoit eu du Ma-
reschal de Biron, & qu'apres ces deux plus grands
Capitaines de la terre, il triomphast coyonnement
de ceste glorieuse marque, deuoit-il faire mettre sus
la compagnie des cheuaux legers de la Royne qui
auoit esté licentiee pour le bien du Roy, & s'en faire
apres le Capitaine. il deuroit chercher sa seureté en
son courage, mais où il n'y a rien le Roy perd ses
droits, du moins il se deuoit acquerir plus de liberré
par plus de modestie qu'il n'a eu, toutesfois la las-
cheté des François qui l'ont adoré, a plus forfait que
luy, car il n'auoit encores nul credit que desia il e-
stoit plus fuiuy que le Roy, & les plus grands pour
meriter d'auantage de sa vanité, apprenoient aux
moindres d'auoir tousiours la teste nuë deuant luy.
Ainsi par ces lasches moyens ils l'ont esleué d'une
auctorité qui n'estoit qu'imaginaire en vne tyrannie
trop veritable. Hé! qu'elles destitutions il desse-
gnoit. Hé! quels changemens il vouloit faire dans
la Cour, i'en tremble encores par le souuenir, qu'el-
le chose luy eust esté impossible deslors pour sa grā-
deur, si ses desseins ne se fussent perdus avec la vie du
Baron de Luz, ceste mauuaise harmonie de Luz doit
apprendre à aucuns d'en faire des meilleurs, & quel-
ques autres de ce mesme concert se font volontiers
salariez de mesme, s'ils ne fôt leur retraits ou nous
esperons faire vn iour la nostre. C'est en la Citadelle
d'Amiens ou tout n'ira pas mal s'il s'y trouue autant

de bons hommes qu'il n'y pouua trouuer de
armes. Quinze mil Caualliers & fâtaillins s'y pour-
ront fort bien equipper, il y a grande quantité d'ar-
tillerie & de toutes munitions lesquelles seroiēt en-
cores à l'Arсенac de Paris si l'on en eust voulu croi-
re le Marquis de Rosny. Est-ce pas beaucoup que
tout cela? Et d'auantage quand Mr le Marechal se
voudra ietter par desespoirés bras des Espagnols, il
tirera d'eux telle assistance qu'il voudra, ie l'ay entē-
du parler plusieurs fois de cet affaire avec Mr Dolé,
concluans tous deux qu'il ne faudroit pour son in-
faillible salut sinon bailler la moindre de ses places
pour caution ausdits Espagnols, & par ce moyen le
reste luy seroit assuré comme Amiens, Peronne &
plusieurs autres qui ne luy manqueroient pas, Mō-
treuil en cest l'une, où ce braue Mr de Migneux dit
qu'il viura & moura pour le seruice de Mōseigneur,
l'ayant iuré deuant tout le conclaue coyonnesque,
& les anges à grands ongles de Madame la Maref-
challe, vrayement il est obligé à cela, toutesfois on
dit que durant les guerres passees il a esté de tous
partis, nous aurons le sainct esprit de Ruë que Mr
d'Ouailly tiendra pour nous s'il se souuient qu'il ne
feroit pas Capitaine des gardes de Mr frere du Roy,
sans Madame la Marefchalle, Mr de Plain-ville est
engagé de promesse d'amener sa cōpagnie des gar-
des du corps à nostre secours, dequoy cependāt Mr
Gobelin assez difficile aux garanties ne la pas voulu
cautionner; Mr le Vicomte de Briqueil doit aussi par
serment attirer de la Court sa compagnie de cent
gentilhommes. C'est à sçauoir s'il y en a cēt, vraye-
ment gentil-hommes & bien contez, car ie ne sçay
que nous y en auons fait enrouller plusieurs aus-
quels vne honeste vilenie deffend ceste noble quali-

te. A Dieppe nous aurons Mr de Vilars Houdā qui est vne des places dont M^oseigneur fait le plus d'estant qu'outre son port. & sa consequence elle est scituee vers le Ponant, Mr Belot estoit autresfois hōme d'esperance, mais à son grād regret plus qu'au nostre. Ils s'ē faut vn des membres qu'il soit comme il souloit. Mr le Vicomte de Chermelles amenera les officiers de la Roynne nous secourir, & mettre de sa partie les femmes de chābre de sa Majesté, si Madamoiselle de Lonjumeau le permet, infinis autres Picards & Normands ne nous manqueront pas, il n'y a que le Marquis de Molny qui est vn peu suspect, parce qu'il est meilleur Frāçois que le Vicomte de Turrennes, ce qu'il luy soustiendra portant sa vie en tous lieux contre luy moyennant que ledit Vicomte baille pour seureté d'icelle, la ville & Chasteau de Sedan au Comte de Lamark.

Or tandis que les doux charmes du songe m'entretenoient és plaisirs de ce discours, ie ne pensois point à ce que plusieurs coyons propoisoient & mōstroient à Monseigneur le Marechal, & m'arrestay seulement à l'admirable entretiē de ce premier brigandeaue, & à la responce du commis de Barbin qui fut telle.

Mon cher frere, l'effect de nostre commune apprehension a esté bien dissemblable, puis qu'en mesme instant elle vous a faict aussi bon poëte qu'orateur, & qu'au contraire elle m'a rendu muet sans aucun deffaut de langue. Car nature aussi bien qu'à vous m'en a donné vne pour demāder, & des mains tout de mesme pour receuoir. Ma foy ie croy que telles poltronnes apprehensions se prennent en ceste maison, & pres de Monseigneur le Marechal, comme on pourroit prendre la contagions és lieux

pestiferez. Je veux reprendre courage pour mettre mes opinions en campagne sur le subiect qui nous distribue du bien en commun, & qui par faute de bõ appareil, ou autrement nous pourra donner du mal en compaignee quelque iour.

Je diray donc que vos craintes & les miennes doiuent estre sœurs, puis que les crimes de nos maistres sont freres. Vous n'auiez pas tout dit sur ce subiect, aussi n'estoit-il pas necessaire à moy qui vois clair en ces affaires : mais en bonne foy si nous auons à souffrir pour la cause, vous deuez bien plus souffrir que nous, parce que vous estes ces bailleurs d'expedient pour tousiours augmenter la domination & les biens de Monseigneur le Marechal. C'est vostre maistre qui donne les aduis pour faire decouler tout l'argent du Royaume dans les banques de Floréce, de Genes, de Venize, de Lucques, de Strasbourg, d'Ausbourg, d'Anuers, & des Espargnes de France, & le tout pour ledit Seigneur Marechal, non, non, ie me trompe pour ces espargnes, parce qu'il y prend tout sans y rien mettre.

Cest vostre Maistre qui fut cause qu'il tira grandes & notables sommes de l'abondance extraordinaire d'argent qui se trouua és coffres de l'espargne en l'annee 1610. qui fut lors qu'il commença à profiter si fort de la mort du deffunct Roy qu'il en pleura, à ce que virent les Duc d'Espernon & Châcellier, lesquels en penserent aussi creuer de regret à ce qu'af-seure la prisonniere qui est aux filles Penitentes.

Quant à nous, nous ne sommes que simples petits maistres és arts & conteurs d'argent à mondit Sieur le Marechal, lequel ne se trompe point à son côté, mais bien se peut-il tromper quand il dit que Mr Barbin luy a plus fait venir de pistolles que Mr

il n'ay cognoissance que de 400. neuf mil l. du rabais faict à mon Maistre & autres partisans, lesquelles on osta iniustement au Roy pour faire venir es coffres dudit Sieur Marechal, sauf ce qui en tomba chez vous par les trous des sacs qui sy percerent en les faisant tomber trop rudement.

I'ay bien fraische cognoissance de l'argent innombrable qu'il a tiré des confirmations des mestiers des Officiers, des Commissaires des gabelles, des payeurs des rentes, des Secretaires de la chambre, des tresoriers, des pensions de plusieurs Offices des maisons du Roy, de la Roynie, de la Reyne Mere, de Mr frere du Roy, & de Mesdames. Et ie me souuiés bien aussi de l'Archeuesché de Tours, de l'Abbaye de Marmoutier & autres benefices qu'il a eu, à quoy mon maistre a de vray bien aidé.

Beaucoup de monde peu intelligent croira que ce que dessus est grand chose, mais en bonne foy ce n'est rien au regard de ce que nous esperons par la Paulette.

Vrayement si elle estoit vne fois supprimee ou presentement ou apres les trois annees du reste du bail de l'annuel, les marques de l'admiral seroient innombrables en France, & neantmoins Mr l'Admiral sera le moins recogneu par ceux qui les porteront, car tous les Officiers qui seront creez receus & establis apres ladite suppressio seront tous marquez à l'Ancre, moyennant leur bon argent: ie n'estime pas que pour cela mondit Sr l'Admiral s'en voulut formaliser estant maintenant allié de la maison de Florence. Mais ie croy que dix milliōs d'autres s'estonneront de ne s'estre assez estonnez de ce que le Iceau de France au lieu d'estre comme il souloit la

plus precieuse marque de l'autorité souveraine de nos Roys & le garant de sa foy publique, soit maintenant si pollü & si fidellement appliqué qu'il ne serue plus sinon à sceller infinis offices pour Monseigneur le Marechal, qu'à sceller des commissions pour faire escouler és abysses de sa bourse, nō seulement l'argent dont la Bastille estoit depositaire: mais celuy dont toute la France s'entretenoit. Hé? qui s'estonnera de ce que ce sceau si precieux ne serue plus qu'à sceller les abolitions de plusieurs assassins & parricides, tout aussi tost & ainsi que monseigneur le Marechal dit qu'il le veut: sans quoy la cire se trouueroit si molle qu'elle ne retiendroit pas l'impression sacree & trop peu honnoree de nostre Roy. A qui est donc maintenant la Chancellerie; pourquoy Mrs les Princes du Sang s'offencent-ils, disans qu'ō prefere vn faquin à eux, puis qu'au plus haut tribunal de la Iustice du Roy, & où son premier ministre est assis, les mots souverains dont nos Roys se sont tousiours seruy pour interpretes de leurs absolues volontez ne sont plus en respect ny en obeyssance, il n'est faut pour preuues que le prompt rappel de Monhabene, lequel deux iours apres la publication de l'Edict contre les duels auoit tué Prety, il ne faut rapporter icy que l'assassinat de Harquié en la personne du S. de Riberpré, & ne se faut souuenir du rapt faict par fiesque, lesquels crimes ont esté aussi tost abolis que cognus, & le tout par la voloné dudit Sr Marechal, & le pouuoir qu'il a de faire des Roys en cire verte, aussi bien qu'en iaune, & de Louys aussi bien en parchemin qu'en papier.

A ce coup que ma bource est en assez bon estat les ressentimens que doit auoir vn bon François, me font ainsi dire & cōfesser que c'est vne ignominieu-

se monta à la France; ayant iourné qn vn estrange
homme de neant y estant venu sans mule, cheval,
argent, ny valet à luy appartenant, ait vsuré la ty-
rannie apres la plus glorieuse domination le plus
iuste & doux regne la plus grande abondance de
biens, & le plus grand calme qui fut oncques en ce
Royaume.

Plusieurs detestent bien ce malheureux change-
ment, mais c'est trop bas, & tandis le *LOVOGLIO*
dudit Seigneur Marechal est l'inuiolable tezte des
loiu qu'on ensuit, & l'on iugeroit quelà. Car tel est
nostre plaisir, du Roy seroit vn corps sans ame, n'e-
stoit celsdits mots Italiens, de l'efficace desquels Mr
le Commandeur de Sillery a esté informer l'Espa-
gne, son frere aisné l'a pratiqué au seau, son nepueu
le soubssigne, & Mrs Dolé & Bullion le vont en-
seignant cōme statuts necessaires, tesmoin ces vers:

*Cinq hommes & leur chef par nouueaux institutes
Forcent le droict François & ses loix les plus iustes
Et consomment cruels, comme vrais Margajas,
Tous les pauvres François, & n'ont en leur escoles
Que les loix de Cuius, non celle de Cuias,
Que celles d'un Breton, non celles de Bartole.*

Il falloit que ledit Seigneur Marechal vst de sa
fortune avec plus de moderation, & qu'une habile
discretion empeschast qu'en effect l'on cognoist si
tost les poincts extremes de son pouuoir & de sa fa-
ueur. Ces moyens eussent estouffé les ialousies de la
Cour auparauint qu'elles eussent esté nees, les bat-
teaux des buandieres & les fours à ban n'eussent
porté enuie à la basse cour du Louure, pour les pas-
quin? & nouuelles qui se distribuent, toutes les ta-
bles du petit More & autres cabarets de Paris ne
seroient pas informez de plusieurs choses que ledit

seigneur

ſieur Mareſchal ne croit pas eſtre ſceueſ.

Quelquefois vn Sire Pierre y eſtant & prenant ſon repas dira au ſire Guillaume ſon compere, parbleu la France eſt perduë, & le tout par vn faquin & deux ou trois que tyrans que voleurs. Quelque autre bõ bourgeois plus releué entrât ſur les conſiderations apres eſtre ſorty d'appetit entretiendra la compagnie, diſant, mes amis nous auõs tout perdu en perdant le Roy, durant ſon regne nous gagnions, nous auions touſiours argent, il ne s'en void plus, il n'y a qu'vn coyon Italien qui tient tout, *c'eſt vn ſourbe ſans hõneur* qui veut marcher coſte à coſte de nos Princes, & les contraindre à le courtiſer, & le tout par l'aduiſ du Duc d'Eſpernon, qui veut ruiner s'il peut la maiſon Bourboniſte, & mettre le feu & l'eſtranger en France, afin d'y eſtre Conneſtable. I'ay ouy dire à pluſieurs courtiſans eſtans appuyez ſur ma boutique que ledit Mareſchal coyon, iouyſt de plus de quatre millions d'or ſans y comprẽdre ſes offices ſes terres, ſes benefices, ny les ioyaux de la Courõne dont il poſſede la plus grande partie. Les meſmes courtiſans diſent que les meubles dudit Mareſchal uſques aux landiers, chalits, & tous les vſtẽcilles de cuiſine ſont d'argent. Mes amis, voila noſtre malheur & noſtre vergongne tout enſemble, ſouffrant qu'vn homme ſans honneur, ſans nom, & ſans qualitẽ naturelle, diſpoſe de toutes ces charges de la Cour & des biens du Royaume. Leſdits courtiſans diſent encores que ledit Mareſchal avec l'aide du Chancelier ſoubſtraict par ſes tyrãniques maximes, l'authoritẽ des Princes du Sang; & le miniſtere principal des affaires du Royaume, afin qu'en leur oſtãt la cognoiſſance des mauuais gouuernemens qui ſe faiãt, il leur oſte auſſi le moyen de ſ'y oppoſer. *Os*

50
apres que ces hommes de Cour ont parlé de ces
choses de consequence, ils concluent que les mal-
heureux temps non plus que ses tyrans ne peuuent
durer en disant que Messieurs les Princes du Sang
feront à la fin ravage sur les meschans, apres auoir
retenu long temps par force & par necessitez les re-
grets qu'ils ont dans leurs cœurs, & que ce seroit
lors qu'ils seront esclairez & biē regardez de nostre
Roy. Lequel estant leur Soleil mettra leurs forces
en exercices, tout ainsi que faict le grand astre du
Ciel, lequel ayant eschauffé les neiges sur les mon-
tagnes les conuertit en si furieux torrens qu'ils ren-
uersent tout ce qui s'oppose à eux, voila ce que
peuuent dire ces honnestes Bourgeois, mon frere
mon amy ces choses ne sont que trop vrayes en la
bouches d'un chacun, quant à moy ie me veux reti-
rer bagues sauues, & non pas dans vn Monastere
comme a faict le Controolleur general de chez la
Royne nommé la Poterie, Quelques-vns disent
qu'il s'est reduict à ceste austerité pour se repentir
d'auoir trop seruy aux iniustes desseings de Mr le
Mareschal & sa femme, & les autres disent que c'est
de regret de l'estre veu si mal traicté, qu'au lieu d'a-
uoir esté gratifié Madame la Mareschalle auoit exi-
gé de luy demy douzaine d'assiettes d'or pour quel-
que affaire qui ne luy auoit pas valu ledit present,
certes on se fascheroit pour moindres choses, mais
cela ne m'arriuera iamais, car si i'auois à luy presen-
ter de la vaisselle, elle seroit de l'estoffe que son pere
mettoit en œuvre en faisant sa menuterie: Encores
que ie sois beaucoup moins curieux d'escripts que
d'or & d'argent, neantmoins i'ay recueilly en ma
memoire plusieurs vers en l'honneur du Chancel-
lier, du Commandeur son frere & de leurs adherans

Sans y auoir oublié Montalto, ie vous les veux re-
citer.

L'estat de France est bien malade
Il n'est plus l'honneur des Estats,
Des estrangers, des Apostats,
De marans, des filz d'Anclade,
Des larrons, & des viperaux,
L'ont mis sous telle tyrannie,
Que pour uirer avec ces bo reaux
Il faut auoir des chers mareaux
Qu'on vend à leur Chancellerie,
De la France, ny de ses Roys,
Encores moins des Nauarrois,
Elle est d'Espece & d'Etrurie,
Vne sorciere, un Bougeron,

Ont papier, ancre, plume & cire,
Puis un Croisé Ladre, & Larron,
Brulart, Dolé, & Bulion, [pire.
Leur liurent les sceaux & l'Em-
Ces Maranes & leurs complices,
Portez par des grands Officiers,
Les partisans & creanciers,
De leurs parures iniustices,
En sont si fort exorgueilleis,
Qu'en donnāt munte sauuegarde
Ils comparent aux fleurs de lys,
Leurs campagnes, leurs bois taillis
Et leurs barilletz à moustardo.

Sur le portique du Commandeur de
Sillery.

Au front d'un superbe portique
Ces barilletz faictz de nouveau,
Font voir d'un ladre poil de veau
Le nom, & la Noblesse ar t que.
Le sculpteur ostant le claron

De la bouche aux deux renommées
Le fait craignant qu'à l'environ,
Elles disent d'un tel larron,
Les vois & rages enflammées.

Epitaphe sur le Tombeau de Dolé.

Dolé de qui le dol auoit troublé la France,
Gist quoy qu'indignement sous ce marbre estendu;
Bourreaux que vous perdez une belle esperance,
Car dedans peu de iours il eust esté pendu.

A celuy qui se dict estre l'homme du
Diogene.

Sans Diogene & sa lanterne,
Tu pense estre l'homme cerché,
Mais l'on en pēd & l'on en berne
Beaucoup qui n'ōt point tāt peché
Tu n'es qu'un flateur à louage,
Qu'un marchand de mēteuriage
Qu'un disciple de Bagnolet,
Tu n'es celuy que tu dis estre,

Car iamais un si digne maistre
Ne se seruit d'un sot valet.
Un iuisenuoyé de Florence,
Enquis quel onguent il vendoit
Il respond qu'il consolidoit
Un membre cheut en decadence,
Bon Dieu, dit un en soupirant,
Du conseil & de sa migraine,

Les maux iront-ils empirant?
Je n'en scaurois estre garend,

Car son chef est plein de gangrene

Demeurons en là, & nous preparons l'ouye à ce que Mr le Chancelier, Bulion veut dire, le voila tout prest ce semble.

En effect ie vois ce mesme Chancelier racourcy, lequel s'estant leué, & s'estant tourné vers la compagnie, il feit ce discours.

Messieurs, la modestie en laquelle Mr le Marechal a comparu en ceste belle compagnie, & le silence duquel il s'est seruy pour démentir & repousser toutes sortes d'iniures. Ce sont des vertus si rares & si vtilles qu'il y en a peu qui iouissent par elles d'une si heureuse condition & glorieuse poltronerie, estre sans maladie delicieusement couché, estre gardé & veillé, comme sont les souverains, estre le plus souuent à table, ou pour ioüier, ou pour faire bonne chere, & en tout temps tirer tout le bien d'un grand pais, sans contredits & sans peril. N'est-ce pas toute la sagesse & finesse qu'on peut desirer? ouy, ouy certes, & c'est ce qui faut autant rechercher qu'on doit fuir les enragées follies de ces ieunes gens qui sont continuelles agitations en querelles hazardeuses, & lesquels manquans d'estre poltrons, manquent de toute la douceur de la vie. L'exemple d'Achil ne leur deueroit estre à mespris, ils deueroient se représenter qu'il tenoit à plus grand honneur d'estre appelé poltron excellent que braue Capitaine, de necessité necessitante, un coyô doit estre riche, Aristote nous l'enseigne quand il dit,

Negocium suscipimus ut otium habeamus.

Car l'on ne se doit traualier que pour recueillir quelque bien pour apres poltroniser à l'aise, Messieurs il faut donc estudier à se faire poltrô, qui veut estre estimé digne de la vie, & dire avec un excellen-

33
tissime poltron Florentin, celuy qui possède les biens, la fortune & les dignitez, ne doit-il pas estre content, & par ceste mesme raison se peut-il pas reputer & nommer l'Empereur des poltrons, l'aage de fer fut l'aage de malheur, & l'aage d'or sera tousiours l'aage heureux de la poltronnerie, Mr le Mareschal conclud à cela, & moy aussi pour ne violer les loix poltronnesques.

Ceste harangue estant finie Monseigneur le Mareschal se leua de dessus le tabourin, & dit avec vne voix tremblante ceste douzaines de parolles, Mrs i'aduouë Monsieur le Chancelier de ce qu'il a dit de ma part; ainsi Monseigneur commença briefuemēt & finit de mesmes: Apres quoy faisant vne reuerence, partie du cul, partie de la teste il se voulust retirer avec l'aide de quelques puissans coyons qui le tenoient sous les bras, comme on tient ordinairement les espousees des poix pillez ou des bourgeois de Ville-Iuifue.

Alors vn grand bruiet s'esleua dans la compagnie, & l'on entendit qu'on disoit à haute voix qu'il falloit que Mr l'Archeuesque de Tours fit ce remerciemēt pour les trois Ordres au chef de la cōpagnie, il s'y prepara aussi tost, mais comme il fut en posture & prest à parler ledit Seigneur Mareschal luy tourna le derriere, & luy s'estonnant & manquant aussi bien de parolles Françoises que de subiect de remercier, il fit encores la beste sans dire mot, & sās que ses protecolles & protonotaires luy eussent fait sa leçon. Cependant plusieurs qui estoient montez sur les fenestres de la salle, par le dehors ne veirent plustost ledit Mareschal qui s'en alloit apres auoir fait le coyon, & ne remarquerent pas plustost aussi ce digne Prelat qui n'auoit sceu parler, qu'il a com-

34
mencerent à crier de tous les costez & à diuerfes reprises, *Miant, Miane, Miant*, faisât si grand bruiet que les vns croyoient que c'estoiēt les pages & laquais, de la Cour qui crioient apres maistre Guillaume, ou apres vn badin nommé le Gast, & les autres prendrent l'effroy, croyans que c'estoit le sabbat de Madame la Mareschalle qui se deuoit faire en ce lieu, & que les cris des chats y faisoient l'office des cloches: au mesme temps tout ce mode coyonnescque disparut, & mon songe que ie viens d'escrire s'esuanouit.

Or au retour de chez moy & de mon songe, d'où ie reuiens, ie pēsay qu'on attribuera tout ce que i'ay dit au refuseux mystere de moy, soubzsigné Guillot le Songenr. Car combien que ces choses soiēt tres-vrayes, neantmoins telles veritez se trouueront si estranges que ceux qui les entendront ne les voudront croire que comme songes, mais en veillāt ils auront tort, & en songeant i'auray eu raison.

Or François, ce n'est plus ny songer ny refuer, c'est dire la verité quād l'on recite le malheureux dessein Florentin qui a esté pendu à Amiens, pour auoir voulu empoisonner quelqu'un, ce qu'il eust fait si vn appoticquaire hōme de bien en luy refusant la poison n'eust mesprisē sa vie pour auoir soing de quelque ieune François. Ce n'est point refuer, c'est vne trop pitoyable verité quand l'on apporte à la face du Ciel, le cruel meurtre & assassinat commis en la personne de feu Sr de Prouille, sergent major d'Amiens: François n'auēz vous point assez de courage pour faire perir tels assassinateurs. On les a choisis entre vn million des plus desesperēz & scellerats bādīs que l'Italie a iamais produict, & sans faire choix parmy tels coupe gorges, vous les deuriēz tous exterminer, l'on les tient à desseins d'hommes dās

la Citadelle d'Amiens, qui est à present l'asile des parricides assassins & Sodomites de toutes les parts du monde, & par vn autant courageux que religieux dessein, vous pouuez purger ceste spelonque des monstres sanguinaires qu'elle contiët, les notables seruices que ce braue Prouuille a rendus à ses Roys, & les glorieuses blessures qui hōnoroïët son corps, sont elles pas dignes de vostre memoire, & de vostre ressentiment.

Les Cours des Parlemens sont elles sourdes, n'entendent elles pas les cris generaux de la Frâce, & les plaintes qu'elle leur fait contre d'Espernon, le Châcelier, le Marechal, la forcierre, le Cōmandeur, Bulion, Doié, & leurs satellites. De quelles personnes la vie peut elle estre en seureté, puis que desja les parricides perpetrez au premier chef sont demeurez impunis, puis que de l'ordonnance dudit Marechal l'on void toutes les charges vacantes aussi tost par mort qu'il y a dessein? Quelle horrible felonnie est celle dont v'se ledit Marechal ostant les charges & vies à plusieurs seruiteurs del' Estat François, pour en inuestir ces criminelles & Espagnolles creatures? Quelle detestation est-ce de voir vn Migneux, vn Hoquincourt traistres à leur patrie, se rendre les meurtriers executeurs des volonte'z d'vn tyran? Ces deux renegats furent les precursseurs de ce meurtre susdit: car estans allez à Amiens pour ce subiect, ils n'y furent pas plustost arriuez, & Alphonse assassinateur incontinent apres eux, que ledit Sr de Prouuille fut traistreusement poignardé. François, estes vous insensibles, ce meurtre executé, & l'autre entrepris sur le sieur de Riberpré ne reschaufferont-ils point vos courages glacez. Ces sanglans exemples ne vous apprendront ils point à chercher vostre sa

lut, & à recouurer vostre honneur dans la ruyne de
ces assassinateurs estrangers, & de nos renegats qui
les accompagnent? Non, non, vous estes trop peu
amis de vous mesmes, & les maux de vos voisins ne
vous esmeuent, ny pour les secourir, ny pour vous
resoudre à vous garantir des semblables qui vous
menacent: Si vous n'avez point de cœur pour cela,
vous n'avez point aussi d'yeux pour voir les mal-
heurs qui vous approchent & environnent, & puis
bien dire:

*Veh! Veh! caca quam non faciunt aliena
pericula cautam paries dum proximus ardet.*